



САМУРДИН

сес

«Магъарамдхуьруьн район» МР-дин
общественно-политический газет.
Общественно-политическая газета
МР «Магъарамкентский район».

Газет 1951- йисалай акъатзава. № 50 (7766) киш, 28- ноябрь, 2015- йис. Къимет 6 манат.

ДМИТРИЙ МЕДВЕДЕВ - ДАГЪУСТАНДА



РОССИЯДИН Федерациядин Гьукуматдин Председатель Дмитрий Медведев чехи десте федеральный министрарни галаз Дагъустанда хъана.

Мугъманвал сентябрдиз вичин 2000- йис къейд авур Дербентдиз финилай башламишна. Премьер-министр «1-Петрдин квал» музейдин комплексдиз килигна ва ада музейдиз къевезвай гьурметлу ксарин ктабда Дербентдихъ ва адан агъалийрихъ агалкъунар хъана кланивилин келимаяр кхъена.

→ 2

РАЙОНДИН СОБРАНИЕДИН СЕССИЯ

20-НОЯБРДИЗ хуьрерин администрацийрин кылерин иштираквал аваз Райондин Собраниедин нубатдин сессия кыле фена.

Ам сифте гаф рахуналди Райондин Собраниедин председатель А.Ханмагъамедова ачухна. Сессиядал «Магъарамдхуьруьн район» МР-дин кыл хкъягъунин гъакъиндай месэладиз килигна. Райондин кылин къуллугъдал теклифнавай кандидатрикай конкурсдин комиссияди пуд кандидат хъянавай: «Магъарамдхуьруьн район» МР-дин кыл Ф.З.Агъмедов, финансрин ва ихтияррин институтдин ректор Р.Н.Алиев ва райондин МУП ЖКХ-дин директор С.Г. Хидиров. Сессиядин квалахда иштиракай 44 депутатди ачухдиз сесер гуналди реисадвилелди Агъмедов Фарид Загъидинович «Магъарамдхуьруьн район» МР-дин кылин къуллугъдал хъяна.

Патарай атанвай мугъманар тир РД-дин Гьукуматдин ва администрациядин кылин ихтияррин управлениедин начальникдин I-заместитель Х.Малачилова, «Ахцегъ район» МР-дин кыл О.Абдулкеримова, А.Ханмагъамедова мад сеферда МР-дин кылин къуллугъдал хъянавай Ф.Агъмедоваз и агалкъун тебрикна.

Эхирдай Фарид Загъидиновича

вичел авунвай ихтибардай РД-дин президент Р.Абдулатиповаз ва райондин собраниедин депутатриз чухсагъул малумарна, муниципальный район вири хилерай вилик тухунин гъакъиндай авай планрикай куьрелди лагъана.

А.АЙДЕМИРОВА.

Шикилда: сессия кыле физвай вахт.



ДМИТРИЙ МЕДВЕДЕВ - ДАГЪУСТАНДА

2 ←

РФ-дин Гьукуматдин Председатель надир Нарын-Къеледизни килигна. Ада тарихдин ва архитектурадин са жерге памятникрин шикиларни яна.

Гуьгьунлай Махачкъалада РФ-дин Гьукуматдин Председатель Дмитрий Медведеван реьбервилек кваз Кеферпатан Кавказдин федеральный округ яшайшдинни экономикадин жи-

гьетдай вилик тухунин месэлайрай Гьукуматдин комиссиядин заседание хъана. Премьер-министрдин и хиле хъсанвилехъ са жерге дегишвилер хъанвайди къейдна.

Россиядин Гьукуматдин Къили республикада медицина авай гьалдиз къимет гайидалай къулухъ гаф РФ-дин Здравоохранениедин министр Вероника Скворцовадиз гана.

Гуьруьш кьиле фидай

чъавуз Кабардино-Балкариядин Къил Юрий Коков, Ингушетиядин Къил Юнус – Бек Евкуров, Чечен Республикадин Къил Рамзан Къадиров, Карачаево-Черкесия Республикадин руководитель Рашид Темрезев, Кеферпатан Осетия-Алания Республикадин Къил Тамерлан Агузаров, Ставрополдин крайдин губернатор Владимир Владимировни рахана.



ШАД ХАБАР

21-ОКТЯБРДИЗ Магьарамдхуьре Россиядин халкъарин адетдин культурадин центрда «Зи хайи къул Дагъустан» лишандик кваз республикадин конкурсдин зонайрин этап кьиле фенай. Зонайрин этапда гьалиб хъайибуру 13-ноябрдиз Махачкъалада кьиле фейи республикадин этапда иштиракна.

Республикадай чав шад хабар агакьна. Зонадин этапда патриотвилин мани таммарун номинациядай I-чкадиз лайихлу хъайи Цийихуьруьн школадин 10-класдин ученик Шахбанов Нажмудина республикадани вичин агалкъун тикрарна.

Школадин коллективдихъ галаз саналчнани и агалкъун Нажмудиназ мубаракзава. Идалай къулухъни вахъ мадни къакъан дережайриз хкаж жедай гьевес ва къуват хъун чи мурад я, Нажмудин!

А. АЙДЕМИРОВА.

Шикилда: Нажмудина мани лугъузвай вахт.

ДЕНЬ ПРИЕМА ГРАЖДАН

14 ДЕКАБРЯ 2015 года с 12.00 до 20.00 отдел военного комиссариата Республики Дагестан по Маграмкентскому району проведет мероприятия ежегодного Общероссийского дня приема граждан.

Личный прием жителей района будет осуществлять начальник отдела военного комиссариата Республики Дагестан по Маграмкентскому району.

Э. ГАДЖИЕВ,

начальник отдела военного комиссариата Республики Дагестан по Маграмкентскому району.

ЧИ МАЛИМАР

ГУЪЗЕЛВИЛЕЛ КЪАРУДИ

ЧПИН везифайрив намуслувилелди эгечзавай, гъакъи-сагъвилелди зегъмет чугвазвай малимар гзаф ава. Ихътин-бурукай сад Магъарамдхуъруьн райондин Азадогъли хуъруьн юкъван школада шикилар члугунин тарсар гузвай Агъаверди Агъабегович АГЪМЕДОВ я.

Тежрибалу малим хъиз, ам Аплагъдин патай пай ганвай бажарагълу художникни я. Агъаверди малимдин буба Агъабег Агъмедова 1941 –йисуз Москвадин художественный училище акъалтларнай. Амма Ватандин Члехи дяведи адаз вичин пешедай кваллахдай мумкинвал ганач: жуърэтлу дагъви Ватандин азадвал хуъз дяведиз фенай. Кард къарагъай чкадал цакул аламукъда лугъдайвал, бубадин рехъ хци давамарна. 1982- йисуз ДГПУ-дин художественно-графический факультет акъалтларай Агъаверди малим къе изобразительный искусстводин жуъреба-жуъре жанрайра кваллахзавай пешекар художник, къилин категориядин малим я. Образованиедин хиле гъакъисагъвилелди зегъмет чугунай ам жуъреба-жуъре йисара Магъарамдхуъруьн райондин образованиедин управлениедин, образованиедин къуллугъчийрин профсоюздин райкомдин, РД-дин образованиедин ва илимдин министрстводин патай Гуърметдин грамотайриз лайихлу хъана. 2013- йисуз Агъаверди Агъмедован яратмишунрин кваллахри «Тарихдин гуъзгуъда» твар алаз къиле фейи республикадин конкурсда ва 2014-йисуз Махачкъалада тешкилай «Художник-педагог» выставкада 2-чкаяр къуна.

Алай йисуз лагъайтла, Магъарамдхуъруьн райондин образованиедин къуллугъчийрин августдин вацра къиле фейи конференциядал район-

дин къил Фарид Агъмедова Агъаверди Агъабеговичав «Россиядин Федерациядин умуми образованиедин гуърметлу къуллугъчи» лагъай шагъадатнама ва хурудал алкIурдай знак вахкана.



Агъаверди малимди Азадогъли хуъруьн юкъван школада вижевай класс- кабинет туькIуърнава. Ам шикилар члугунин тарсара герек жезвай пособийралди, жуъреба-жуъре стендралдини плакатралди девлетлу я. Кабинет республикадин дережада аваз къиле фейи выставкайрани конкурсра Агъабег малимдин ва ада чирвилер гузвай аялрин кIвенкIвечи чкаяр къур шикилри безетмишнава. Гъакъикъатдани, кабинетдихъ галаз мукъувай таниш хъайи гъар са касдиз Агъабег малим вичин пешедал гъикъван къару ятIа якъин жезва.

Тарсара аялрик яратмишдай гевес, алакьунар куту-

нихъ галаз сад хъиз, тежрибалу малимди абур хайи ерийрал, милли культурадал, чIалал рикI алай ватанпересар яз тербияламишунизни къетIен фикир гузва. Ада тарс гузвай аялри мукъвал-мукъвал республикада, районда къиле физвай конкурсра иштиракзава, кIвенкIвечи чкаяр къазва.

Гуъзелвилел, тамамвилел къару художник Агъаверди Агъмедован яратмишунрин алемда тIебиатдиз хас вири рангар дуьшуъш жезва. Живописдин, скульптурадин ва искусстводин маса хилерин гъавурда хъсандиз авай пешекардин гъар са шикилдай автордин руьгъни аквазва, рикIни. Гуя акI я хъи, ада вичиз хас гъар са ери, гъар са лишан арадал гъизвай суьретризни багъишзава.

Агъаверди Агъмедов хайи хуъре активный общественник хъизни машгъур я. Школада, хуъре къиле физвай мярекатра иштиракзава, хийирлу теклифар гузва, акъалтзавай несилрин арада сагълам ерийрин таблигъат тухузва. Азадогъли хуъре Ватандин Члехи дяведин къурбандриз эцигнавай обелиск Агъаверди малимди гъазурай проектдал бинеламиш хъана арадал гъанва.

Халис ватанпересар тир пуд хва тербияламишна, уьмуърдин шегъредал акъуднавай къайгъудар буба, вифалу дуст, тежрибалу малим, бажарагълу художник Агъаверди Агъабеговичахъ чандин сагъвал ва кIвалахдин рекъе мадни члехи агалкъунар хъун чи мурад я.

**Магъамед
ИБРАГЪИМОВ.**

ОТДЕЛ ВОЕННОГО КОМИССАРИАТА РЕСПУБЛИКИ ДАГЕСТАН ПО МАГАРАМКЕНТСКОМУ РАЙОНУ ИНФОРМИРУЕТ

В соответствии с «Инструкцией об условиях и порядке приема в военные образовательные учреждения высшего профессионального образования, находящихся в ведении Министерства обороны Российской Федерации», приказом Министра обороны от 7 апреля 2015 года №185 и планом предварительного отбора кандидатов из числа граждан, прошедших и не проходивших военную службу, для комплектования первых курсов военных образовательных организаций объявляется предварительный отбор кандидатов из числа граждан, прошедших и не проходивших военную службу.

В соответствии с указаниями Военного комиссара Республики Дагестан отбор ведется в следующие военные образовательные учреждения высшего и среднего профессионального образования:

Граждане изъявившие желание о поступлении в военные образовательные учреждения высшего и среднего профессионального образования могут обратиться в отдел ВК РД по Магарамкентскому району по адресу: с. Магарамкент ул. Ленина д.1

№ п/п	Наименование военно-учебного заведения	Место дислокации
1	Военно-учебный научный центр Сухопутных войск «Общевойсковая академия ВС РФ» (филиал г.Москва) военный институт (общевойсковой)	ЗВО
2	Военно-учебный научный центр Сухопутных войск «Общевойсковая академия ВС РФ» (филиал г.Казань)	ЦВО
3	Новосибирское высшее военное командное училище	ВВО
4	Дальневосточное высшее общевойсковое командное училище (г. Благовещенск)	ВВО
5	Рязанское высшее воздушно-десантное командное училище (военный институт)	ЗВО
6	Тюменское высшее военно-инженерное командное училище (военный институт)	ЦВО
7	Михайловская военная артиллерийская академия (г.Санкт-Петербург)	ЗВО
8	Военная академия войсковой противовоздушной обороны ВС РФ (г. Смоленск)	ЗВО
9	Военная академия войск РХБЗ (г. Кострома)	ЗВО
10	Военно-учебный научный центр Военно-воздушных сил «Военно-воздушная академия» (г. Воронеж)	ЗВО
11	Военно-учебный научный центр Военно-воздушных сил «Военно-воздушная академия» (филиал г. Сызрань)	ЦВО
12	Военно-учебный научный центр Военно-воздушных сил «Военно-воздушная академия» (филиал г. Челябинск)	ЦВО
13	Краснодарское высшее военное авиационное училище летчиков	ЮОВО
14	Военно-учебный научный центр Военно-морского Флота «Военно-морская академия» (г. Санкт-Петербург) военный институт (военно-морской)	ЗВО
15	Военно-учебный научный центр Военно-морского Флота «Военно-морская академия» (г. Санкт-Петербург) военный институт (военно-морской политехнический)	ЗВО
16	Военно-учебный научный центр Военно-морского Флота «Военно-морская академия» (г. Калининград)	ЗВО
17	Тихоокеанское высшее военно-морское училище им. С.О. Макарова	ВВО
18	Черноморское высшее военно-морское училище (г. Севастополь)	ЮОВО
19	Военная академия РВСН (г. Москва)	ЗВО
20	Военная академия РВСН (филиал г.Серпухов Московской обл.)	ЗВО
21	Военно-космическая академия (г.Санкт-Петербург)	ЗВО
22	Военная академия воздушно-космической обороны (филиал г.Тверь)	ЗВО
23	Ярославское высшее военное училище противовоздушной обороны	ЗВО
24	Военная академия связи (г.Санкт-Петербург)	ЗВО
25	Краснодарское высшее военное училище	ЮОВО
26	Череповецкое высшее военно-инженерное училище радиозлектроники (г. Череповец Вологодская область)	ЗВО
27	Военный университет (г.Москва)	ЗВО
28	Военная академия материально-технического обеспечения (г. Санкт-Петербург)	ЗВО
29	Военная академия материально-технического обеспечения (ВИ ЖДВ и ВС) (г.Санкт-Петербург)	ЗВО
30	Военная академия материально-технического обеспечения (г.Санкт-Петербург) военный институт (инженерно-технический)	ЗВО
31	Военная академия материально-технического обеспечения (филиал г.Вольск)	ЦВО
32	Военная академия материально-технического обеспечения (филиал г.Пенза)	ЦВО
33	Военная академия материально-технического обеспечения (филиал г.Омск)	ЦВО
34	Военно-медицинская академия (г.Санкт-Петербург)	ЗВО
35	Военно-медицинская академия (филиал г.Санкт-Петербург) военный институт физической культуры	ЗВО
36	Санкт-Петербургский военный институт ВВ МВД России (г. Санкт-Петербург)	ЗВО
37	Саратовский военный институт ВВ МВД России (г.Саратов)	ЦВО
38	Пермский военный институт ВВ МВД России (г. Пермь)	ЦВО
39	Новосибирский военный институт ВВ МВД России (г. Новосибирск)	ЦВО
40	Академия гражданской защиты МЧС России (г. Москва)	ЗВО

ЦИЙИ КТАБАР

ЯХЦУРНИ ЦІУД ЙИС АЛАТАЙЛА

ЗИ ГЪИЛЕ Махачкъаладин АЛЕФ типографияда «Дербентдин педагогвилин училищедин 39- выпуск» кыл гана акъуднавай ктаб ава. Адан автор чи районэгъли, «Самурдин сес» газетдин мухбир, яхцурни ціуд йис идалай вилик и училище акъалтларай, кье малимвилин ва милициядин ветеран Исмаилов Играмудин Алиевич я.

Авторди Дербент шегъерда 1923-йисуз ачухай Дербентдин педагогвилин техникумдин (гуьгъуьнлай адаз педагогвилин училище тІвар, 1994-йисуз педагогвилин колледж статус гана) тарих, ам феийи баркаллу рехъ къалурзава.

Дербентдин педагогвилин колледжда 2013- йисан 1-ноябрдиз ам тешкилайдалай инихъ 90 йис тамам хъуниз талуькарна шадвилин мярекатар кыле фена. Саки са асирдин девирда адан квалахда гзаф дегишвилер арадал атана, амма хянавай кардиз вафалувал, къакъан пешекарвал ва адетар лайхлувилелди давамарун чІуриз тежедай кар яз амукъна.

Асул гысабдай ктабдин авторди вичихъ галаз санал

кІেলাйбурун зегъметдин квалахрикай кхызва. Гъа девирда училищеда кІелдайла янавай шикилри, автордин кІелунин дустарин рикел хкунрин ктаб девлетлу ва фикир желбдайди авунва. Гъа чІаван студентрикай кье кылин категориядин малимар, РД-дин образованиедин отличникар, зегъметдин ветеранар хъанва. Абурун арада чи районэгълиярни гзаф ава.

«Дербентдин педагогвилин училищедин 39- выпуск» ктаб Дагъустан Республикадин илимрин лайихлу работник, тарихдин илимрин доктор, профессор Искендеров Гъажимурадан сифте гафунилай башламишзава. КІелунин заведениедин тарихдай ва 1961-йисуз училище акъалтІайбурукай кьеидер, гъа девирдин гзаф къадар студентрин рикел хкунар, къенин уьмуьрдикай фикирар неинки училищедин студентар хъайибурун, гъакІ кІелдайбурун гегъенш къатаринни фикир желбдайди хъанва. Авторди вичин ктабда хянавай пешедал къару инсанрикай кхызва, гъакІ гуьлуьвай къакъан дагъларал къван экіяй хъанвай чи Лезгистандин гуьрчегвални къалурзава.

Ф.ГЪАЖИЕВ.



«КЪИЗИЛДИН ЗУЛ»

АДЕТ хъанвайвал, гъар йисуз Хужакъазмайрин юкъван школада «Къизилдин зул» сувариз элкъвезва. И суварик школадин малимри, аялри, диде-бубайри иштиракзава. Чна «Къизилдин зул» сувариз школадин аялри чІугунвай шикилрин выставка ачухзава, цлан газетрин, цуькверин клунчІарин конкурсар тешкилзава, зулукай шиирар кІелзава. Хянавай жюридин членри и конкурсра гъалиб хъайибуру тайинарна ва абур жуьреба-жуьре пишкешралди, грамотайралди лишанламишзава. Месела «Къизилдин зул» конкурсда Р. Мирзабекова, А. Ибрагъимова, А. Маллаева, С. ТІажибова, З. Агъмедханова зулукай шиирар кІелунай гъалиб хъана.

*Зарлу чалма кылел алаз,
Мугъман хъана зул.
АцІай хунча гъилел алаз,
Чими авуна къул.*

*Зулун къати гарари,
Пешер тунач тарарал.
Хважамжамдин рангарин,
Гам экіяна чуьллрал.*

*Ири-ури стІалар,
Аватда чи хъуькъверал.
Куьч хъижезвай дурнайри,
Ван ацалдна хуьрерал.*

*Зун рахазва зулукай,
Къизилдикай зар алай.
Школайра тухузвай,
Шадвилин межлисрикай.*

Р. ШИХРАГЪИМОВ,
Хужакъазмайрин юкъван школадин 9-классдин ученик.

ТАРИХДИЗ СИЯГЪАТ

А Н Д А Л У С

ЦИПУД лагъай асирдин сифте кылерай Ислам дин Испаниядиз гъахъна ва амина агъавал ийидай диндиз элкъвена. Мусурманри чпи тешкилай уьлкведиз Андалус лугъудай твар гана. Андалусдин меркезни Кордово шегъер хъана. Кордовада 500 агъзурдалай гзаф инсар яшамыш жезвай. Ина 700 мисклин, 300 гъамам, 70 библиотека авай. Университетдин библиотекадин фон-

дуна 400 агъзур ктаб авай. Кордовадин вири куьчейра къван тунвай. Шегъерда мусурманрилай гъейри хашпересарни иудеяр яшамыш жезвай. Ихътин са гекъигун ийиз жеда: и члавуз Парижда яшамыш жезвайди анжах 40 агъзур кас тир.

Хашперес дин гвай Европадин государствойриз гъар жуьредин динар гваз ик дуствилелди яшамыш жезвай маса чка чидачир.

Кордово гъар са жигъетдай Европадин меркезрилай тафаватлу жезвай. Кордово илимдин, культурадин ва техникадин рекъай Европадин центр тир. «Кордовадиз виринрай алимарни шаирар къвезвай, писателарни аскерар ина аристократрикни камалэгълийрикни акахънавай... Кордовадин экуьни вири дунья ишигълаван авунвай», - кхъенвай Андалусдин тарихчи Аль-Хиджариди.

МУСУРМАНРИН ИЛИМ – Е В Р О П А Д А



ЦИУВАД лагъай асирдалди Европадиз илимдин чирвилер мусурманрин уьлквейрай къвез хъана. Мусурманрин алимрин ктабар гъаמיша латин ва Европадин маса члалариз таржума ийизвай, абурукай менфят къачузвай. Европадин алимар лагъайтла, гъаמיша мусурманрин илимдин центрайриз къвез хъана. Европадин студентар Кордовадиз, Фесдиз, Каирдиз, Багъдатдиз, Самарканддиз физвай ва анра машгъур пешекаррин гъилик клелзавай. Араб члал илимдин ва культурадин члал тир. Чирвал хкажунихъ чалишмыш жезвайбуру и карачухдиз къалурзавай ва абуру парталарни мусурманрин алимрин жуьреда алукизавай.

Европа квачел ахкъалдарун ва илимда, техникада, медицинада, образованиеда, гуманизмда адахъ галаз алакълу тир вири кваллахар мусурманрин алимринни камалэгълийрин къуьнерал хъана. Мусурманрин цивилизацияди кутур пай гъисаба къунтавуртла, Ренессанс арадиз гъиз хъун мумкин тушир. Амма и гъакъикъат гила Европада лап къериз-цларуз хиве къазва. Идаз акси яз, мусурманрин алимрин агалкъунар Европадин алимри чпинбур яз гъисабзава.

ЧИНГИЗ – ХАНДИН МАВЗОЛЕЙ ЖАГЪАНВА

ВИЧИН жергеда Япониядин ва Монголиядин алимар авай археологиядин экспедициядиз центральный Монголиядин Авраг районда Чингизхандин мавзолей жагъанва. Алимри гъисабзавайвал, и жагъуруни абуруз машгъур полководец кучуднавай чка тайнариз куьмек гуда. Сур чунуьхуникай къурху аваз ада вич рекъидалди вилик вичин сурун кылихъ са жуьрединни лишанар эцигтавунин буйругъ гана. Вич кучудай ксарни ада йикъ лагъана буйругъ ганвай. XIII-XV-асирра яшамыш хъайи монголрин сурариз килигайла гъавурда акъазвайвал, алимри Чингизханан сур мавзолейдилай 12 километрдин яргъа ава лагъана фикирзава. 2000- йисарин сифте кылерай экспедицияди Авраг районда кваллахар башламышна, гъикл лагъайтла, авай делилриз килигна инал Чингизханан дворец алай. А члавуз эцигнавай дарамат алай чка эгъуьнайла алимриз къурбандардай чка жагъана. И кардини абур им Чингизханан мавзолейдин дарамат я лугъудай фикирдал гъана. Къурбандар ийидай чкада, гъисабзава абуру, къейиди рикел хкунин мярекатар кыле тухудай вахтунда балкланар кузвай. Идалайни гъейри археологиз инай аждагъанрин суьретар алай шейэр жагъана. Чингизханан сур жагъурунин кваллахар гилани давам жезва. Ам армиядин регъбер тир. Ада Монголиядин халкъар сад авуна ва Монголиядин зурба пачагълугъ арадал гъана. Чингизхана (1162-1227) зурба чилер къуна, Китай, Центральный Азия ва Персияни кваз.

Интернетдай кхъейди- Р. МУРАДАЛИЕВ.



Дуьньядилай цлар илитна

«ИГ» -дин МЕРКЕЗДАЛ ГЪУЖУМНА



ФРАНЦИЯДИН авиацияди Сирияда авай «Исламдин государстводин» террориствили дестедин гъакъкъи меркез тир Эр-Раккадал гъужумарна. Гъужумар авунин нетижада командный пункт, жигъадистар кватлдай центр, женгинин суьрсет авай склад ва тренировкайрин лагерь тергна. Гъавадай авур гъужумра Франциядин, ОАЭ-дин ва Иорданиядин 12 самолетди иштиракна. Абуру 20 бомба гадарна. «ИГ»-дин сенгеррал 14-ноябрдин йифиз Парижда киле феи терактрилай гуьгъуьниз гъужумарна.

ЧПИН КИВАЛЕРИЗ ХТАНА



СИРИЯДАЙ масанриз катнавай миллиондив агакна агъалияр террористрин дестейрикай азаднавай районриз хтанва. Россиядин военныйри киле тухвай серенжерилай гуьгъуьниз исламистар абуру кунвай чилерилай ахкьудиз алакна.

Сирияда чуьруьк 2011-йисан гатфарилай давам жезва. И вахтунда маса улквейриз катнавайбурун къадар 4 миллион касдив агакнава, телеф

хъайибурун къадарни 230 агъзур касдилай алатнава.

Россияди 30-сентябрдилай Сириядин территориядал алай террориствили дестейриз гъавадай ягъунар къазва. Боевикриз акси акъвазун патал Сириядин президент Башар Асада Москвадивай куьмек тлалабна.

ПАРИЖДА ТЕРАКТАР АВУРБУРУКАЙ САДАН КИВАЛ ЖАГЪАНВА

ФРАНЦИЯДИН махсус къуллугъриз 14-ноябрдин йифиз Парижда терактар авурбурукай са террористдин кивал жагъанва. Кивал Париждин кефердинни рагъэкъечлдай пата Сен-Дени департаментдин Бобинь лугъудай чкадай жагъана. Силисдин делиралди, кивал Вольтер бульварда вичи-вич хъиткъинарай Ибрагъим Абдеслама кирида кунвай.

Кивалай ноутбукар ва смартфонар жагъана. Силисчийри фикрзавайвал, и кивал терактдиз гъазурвал акъазвай, чуру ният авайбуру киватл жезвай чинибан чка тир.

150 КАС КЪУНВА

ЭХИРИМЖИ кьве гъафтеда Ташкентда «Исламдин государстводин» галаз шерик хъунай шак финай 150-далай гзаф ксар кунва.

МВД-дин министрдин буйругдал асаслу яз милициядин, гъа гъисабдай яз, ракъун рекъерин хатасузвили къллугъчийриз, яшайишдин частариз ва масабу-



руз шак физвай ксар чирун патал кивалба-кивал къекъуьнин буйругъ ганва.

2014-йисан зулуз Къазахстанда Юкван Азиядин агъалийри Мукъвал тир рагъэкъечлдай пата киле физвай дяведа «ИГ»-дин терефдал алаз иштиракзавайдан гъакъиндай доклад чапнай. Гъахъ-гъисабдин делирал асаслу яз, боевикрин терефдал алаз 500 узбекди, 460 туркменди, 100 къиргъизди, 190 тажикди женг чулгъазва.

ЦИЙИ ЧИН ЭХЦИГНА



НЬЮ-ЙОРКДА дуьньяда виридалайни гзаф инсандин чин дегишарай операция киле фена. Нетихада инсанда маса касдин чин эхцигна лагъайтлани жеда: 2001-йисуз цаяр хкадардайла чин кайи гуьгъуьллу дружинадин иштиракчидал тамамвилелди цийи чин-нер, япар, плузатар, къекъемар эциг хъувуна.

Операция Нью-Йоркдин университетдин медицинадин центрда гъеле августдин вацра киле фенай. 41 йис хъанвай Патрик Хардисонал, велосипед гъалдайла бедбахтвили дуьшуьшдик акатна телеф хъайи 26 йис хъанвай Дэвид Роудбахан чин эхцигна.

Операция 26 сятда давам хъана. Ана 150 духтурди иштиракна.

Хардисонан чин 2001-йисуз Миссисипи штатда авай Сенатобия шегъерда цай хкадардайла канай. Виридалайни къурхулувал ам тир хъи, адаз къекъемар амачир, гъавилай и карди ам буьркъуь хъунал гъун мумкин тир. Гила адавай вилер акъализ-ахъайиз ва вилер акъална ксуз жезва.

РАЙОНЭГЪЛИДИН НУБАТДИН ГЪАЛИБВАЛ



какахъай единоборствойрай кыле феи турнирда нубатдин гъалибвал къазанмишна.

Жабар Аскеров кикбоксингдай ва ММА-дай Африкадин чемпион, камерунви Мбок Жан Мишелахъ галаз рингдал женгиниз экъечна. Гъа сад лагъай таймда Жабар Аскерова Камерундин пагъливан залан нокаутдиз ракъурна. Гила адахъ пуд гъалибвал ава.

«Самурдин сес» газетди вири районэгълийрин тварунихъай Жабараз нубатдин гъалибвал мубаракзава ва адалай цийи гъалибвилер гуъзлемишзава.

ЧИ РАЙОНЭГЪЛИ, спортдин са шумуд жуъредай вичин къуватар ахтармишзавай

машгур спортсмен Жабар АСКЕРОВА Москвада, «Лужники» спортдин дворецда

ШИКИЛДА: женг башламишдалди вилик. Жабар Аскеров-эрчи пата.

ФУТБОЛ

РАЙОНДИН ЧЕМПИОНАТ

СЕНТЯБРДИН вацран сифте кылерай гатлума футбольдай райондин чемпионат ноябрдин юквара акъалтна. Эвел 14 команда пуд патал пай хъана къугъвана. Группайра сад ва къвед лагъай чкаяр къурбуру акъажунар финалда давамарна. Абурун къугъунрин нетижайрихъ галаз квевай агъадихъ ганвай таблицадай таниш хъайитла жеда.

Квез аквазвайвал, 3-чка Тагъирхуърун къазмайрин жегъилрин цийиз арадал атанвай командади къуна. 2-чка фадлай къугъвазвай Къуйсунрин гадайриз хъана. Райондин 2015- йисан чемпионвал чпин устадвал къалурай Ярагъкъазмайрин командадиз хъана. Мубаракрай, амайбурухъни члехи агалкъунар хурай.

Р.КЕРИМХАНОВ,
райондин чемпионатдин кылин судья.

Командаяр	И	В	Н	П	М	О
1 Ярагъкъазмаяр	10	9	0	1	43-17	27
2 Къуйсун	10	7	0	3	33-21	21
3 Тагъирхуърун къазмаяр	10	7	0	3	26-18	21
4 Къепиркъазмаяр	10	4	0	6	20-28	12
5 Магъарамдхуър	10	2	1	7	15-33	7
6 Чахчахкъазмаляр	10	0	1	9	7-26	1

Кылин редактор
А. ИСМАИЛОВ.

Редакциядин адрес:
368780. РД, Магъарамдхуърун район, Магъарамдхуър, Ленинан куъче, 4.

Газет гъафтеда садра акъатзава.

Тешкилайди: «Магъарамдхуърун район» МР-дин администрация.
Адрес: 368780. РД, Магъарамдхуърун район, Магъарамдхуър, Гагаринан куъче, 2.

Газет РД-дин массовый информациядин такъатрин ва печатдин гъакъиндай РФ-дин законодательстводал амал авунал гуъзчивал ва регистраця ийидай Региональный Управлениеди регистраця авуна. № Д-0174, 1996- йисан 10- июль.

Чап ийиз вахкудай вахт - 16.00.
Чапун патал къул члугуна- 15.00.

Газет ООО «Самур» типографияда гъазурна ва гъана чапна. Издателдин адрес: 368780. РД, Магъарамдхуърун район, Магъарамдхуър, Ленинан куъче, 4. Лезги члал.

Индекс 63340. Тираж 1317.
Заказ № 50.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+